

## Inuusuttut Kommunalbestyrelsiata 'INUUSUKOMBEST' malittarisassai

§ 1 imm. 1: Aaqqissuussaanerup taaguutigaa Inuusuttut Kommunalbestyrelsiat. Naalisarlugu INUUSUKOMBEST.

### Siunertaq

§ 2 imm. 1: INUUSUKOMBEST-imi Kommuneqarfik Sermersuumi meeqqanut inuusuttunullu tunngasut maannakkut politikikkut sulissutigineqartussat suliarineqartarput.

§ 2 imm. 2: INUUSUKOMBEST-imi makku anguniagassatut siunnerfigineqarput:

- Kommuneqarfik Sermersuumi inuusuttut suliani iluarisimaarnerminnut, ilinniarnerminnut ineriartornerminnullu tunngasuni isummorsorfiginissaannut periarfissinneqarnissaat.
- Inuusuttut akisussaaqataanissaannut peqataatinneqarnissaat.
- Tamat oqartussaaqataanerat pillugu inuusuttut paasisimasalersinnissaat paasinninnissaallu.
- Kommuneqarfik Sermersuumi inuusuttut pitsaanerusunik periarfissaqalersillugillu atugassaqartilernissaat.
- inuusuttut kommunip sulineranik ilisimasaqalersinneqarnissaat soqutiginnilersinneqarnissaallu.

### Aaqqissugaaneq

§ 3 imm. 1: Ilaasortatut akuerisaapput kommunip atuarfii tamarmik aammalu namminersortut tunngaviumik atuarfii aammalu Kommuneqarfik Sermersuumi illoqarfinni nunaqarfinnilu inuusuttut ilinniarfii.

§ 3 imm. 2: Atuarfiit inuusuttullu ilinniarfii ilaasortaasut INUUSUKOMBEST-imut ilaasortanik 1-2-nik qinersissapput. Atuarfinni inuusuttullu ilinniarfiini qinigassanngortissinnaasut amerlassusaat 'qinersinissamut atortussanik ataatsimoortunik' kommunimi atuarfinnut inuusuttullu ilinniarfiinut tamanut nassiunneqartunut innersuunneqarput.

7., 8. – 9. klasseni atuartut aammalu inuusuttut 18-it inorlugit ukiullit INUUSUKOMBEST-imut qinigassanngortissinnaapput.

§ 3 imm. 3: Politikikkut aalajangerneqarnikuuvoq, qinigassanngortittut kommunimi atuarfinni 7., 8. aamma 9. klasseni atuartut akornanni ukiut allortarlugit aammalu inuusuttut ilinniarfiini inuusuttut 18-it inorlugit ukiullit nikittaattumik killeqartinneqassasut.

§ 3 imm. 4: Ukiuni marlunni qinigaaffimmi ilaasortaaneq atuuttarpoq. Ilaasortat, ukiut marluk qinigaaffiup ingerlanerani illoqarfinni atuarfintut anginernut nuuttut, namminneq illoqarfigisaminni atuarfitsik sinnerlugu ilaasortaassapput. Inuusuttut 18-it inorlugit ukiullit, inuusuttut ilinniarfiini atuartut, qinigaaffimmi ukiut marluk ingerlaneranni 18-iliisut, inuusuttut ilinniarfiannit anereersimangikkunik ilaasortaaginnassapput, inuusuttullu ilinniarfiannit sinniisusaaq INUUSUKOMBEST-imut ilaasortanngusaaq. Meeqqat atuarianni atuartut, siornatigut INUUSUKOMBEST-imut ilaasortaareersimasut qinersinissamut qinigassanngorteqqissinnaanngillat.

§ 3 imm. 5: Imminnut tikilluni ataatsimiinnernut atatillugu atuariit inuusuttullu ilinniarfii ilinniartitsisunik 1-2-nik najuuttussanik piareersimatitsissapput, INUUSUKOMBEST-imut ilaasortanik inuusuttunik aallarneranni angerlaqqinnerannilu ingiaqatiginnittussanik, aammalu ataatsimiinnerni pisussatut aalajangersakkat avataanni ulluklut unnuakkullu nakkutiginnittussanik. Kisianni tamanna atuutinngilaq piffissami angalaffiusumi ilaasortaq 18-it sinnerlugit ukioqarpat.

§ 3 imm. 6: INUUSUKOMBEST-imut ilaasortat sulineranni atuarfinni inuusuttullu ilinniarfiini ataasiakkaani pisortat, ilinniartitsisut, ilinniartitsisut attaveqaataasut kiisalu Kommuneqarfik Sermersuumi Pisortaqaatigiit Allatseqarfianni suliniummik aqutsisoq ikorfartuillutillu ataqaatigiissaarisussaapput.

§ 3 imm. 7: INUUSUKOMBEST-imut suliniummik aqutsisup oqaluuserisassat imaqarniiallu suliarinissaat nassiussuunnissaallu, ataatsimiinnissanik piareersaaneq allaffimmilu suliassat allat, aammalu INUUSUKOMBEST-imut siunnersortaaneq suleqatigiissitanullu tunngasut isumagissavai.

